


張太僕不二歌集

8.



0815

53014

85

張大慶不三書



171289

第八集

關中叢書

邵力子署



關
陝西通志館印

關中書局日誌

卷八集

不二歌集序

不二歌者同州張泰宇先生被虜於瀋陽守死不屈歌以見志者也先生死後本朝定鼎康熙三十年先生喪始歸事之本末乃詳或取其歌與先後颺先生詩文哀而爲集久且湮矣向予亦未嘗見選兩朝詩文僅取其歌入之今戊申春老病念且死事未畢目將不瞑旣愈復補道脈書及兩朝文張生銘泰宇先生十一世從孫也奉其父照翼命亂鈔先生集介門人趙生俊秀乞予點訂將刻之閱十餘日夜始就緒亦不知其集初何名卽以己意名之曰不二歌集置歌於前先生在任及在瀋陽文兩篇文附焉餘

傳誌與紀德政暨祭誄詩文等附焉卽歌與諸文先生志
事畢見百世之上百世之下相感誠不知其何心竊謂讀
此集不奮然興起其忠義之忱者無是情無是理也因語
銘曰是不可不刻銘遂請爲序予跼蹐不敢任無已當還
就集中言先生者取再論之諸家多以文山比先生古今
似文山者先生外更無人似先生者文山外亦更無人然
兩人心同道同而事亦略有不同文山爲童子時見學宮
所祀鄉先生歐陽修等像曰沒不俎豆其間非夫也先生
自爲秀才便有范文正任天下意喜兵事留心阨塞此其
立志之大同也文山始不拘小節聲妓不絕先生砥廉隅

不妄交遊里中宴會有聲妓聞先生來皆避匿此其律身
之微異也文山大魁天下終歷鈞衡先生以鄉薦宰堂邑
調聊城逮至兵備永平北行不屈加副憲此其名位之定
於天者異也文山使考官於文見其古誼忠肝先生自爲
諸生富平孫少宰卽許以忠孝著名此其蘊蓄之信於人
者同也文山知贛州江上報急天下無勤王者文山慨然
發諸郡豪傑結溪峒蠻起師召入衛先生以削籍家居灤
永四鎮失守再起永平參議招舊義勇復四鎮自此兩人
以身許國一而已矣當元兵盛時宋亡勢已成文山艱難
萬狀多敗少勝子母妻妾俱亡志不少挫見執五坡嶺入

匡山護送如京在道八日不死乃復貪心猶冀幸萬一也
蓑城之疑見殺年四十七耳視死真如歸矣何愧天日哉
先生以祖大壽師潰敗於大凌見執求死不得說諭百端
較宋之勸文山者猶勤而卒不一動其心僧寺十年坐不
東北向朔望必西南拜衣不更舊食必西來粟祭書明年
月見文皇稱督領不拜想文山待死之日亦當如此然臨
安之降文山受使如元請和雖見伯顏抗論皋亭旋逃亡
幾見殺於制置李庭芝予以爲如宋史說文山此時猶出
年少不如先生之不受文皇命暫歸以救一時致失國體
爲老成見遠也天下事不得以成敗論人自古國亡實有

不可救藥之故而死節者乃皆其素所不肯信用之人如文山與先生天蓋生之爲萬世維綱常自不能爲一時息禍亂也特文山少豪華不羈勤王師出始折節深自貶損盡散家貲犒軍士先生初貧爇火讀書不敢一毫違禮旣捷秋闈以講濂洛學且篤孝馮少墟等皆敬之故爲當道者所知而不輕入官府或關民利病必殷殷言之所以爲令於利民事無不爲病民事無不除則文山生而曠達固有尋常所不易學者而先生乃可常可變可生可死而終不渝其初志事事可學而惜乎人不知學遂使先生與文山均爲古今勸見之人此予所以多張生銘之能刻是集

而欲廣其傳也人以不二歌比文山之正氣予謂此一詩也當自居瀋陽時已成之而卽書爲絕命之詞則文山成仁取義一首與過零丁洋詩皆可以此概焉抑先生之死多云壽終予觀左懋泰傳先生云以不食死係居瀋陽時作此爲得其實又以不二歌得於死後衣帶中斷之益信道光戊申夏五朝邑後學李元春時齋撰門人雷爾卿書

張泰字先生子邑洛北人世傳不二歌聞其風未嘗不想
見其爲人而初未得悉其事行之本末張生銘先生從裔
孫也從予學其祖諱繼志者皓首窮經卒於教讀此歌暨
文傳一卷屬續之時殷殷囑其子祐刻以行世祐又以囑
其子照翼翼子卽銘也能讀書家亦漸裕戊申四月奉其
父命持歌鈔本備述其事於予始知先生忠孝節義萃於
一門竊以爲此萬世風教所關今不刻久且散佚矣但篇
帙淆亂必更點次序列命銘往質於朝坂李時齋先生先
生以意釐定又爲之序且俾予原其付梓之由故敢不揣
固陋以誌景仰而又綴予讀茲集之末論於後以質於時

齋先生論曰從古革命之際慷慨赴死者多從容就義者
寡茲集評先生者不一始或方諸范文正趙靖獻旣居東
時或方諸蘇子卿文文山各有當矣未盡者予專取居東
一事論之竊以先生爲依稀乎有箕子之風實孔子所謂
仁人未可以一忠概之而亦不必盡同也箕子殷之貴戚
也爲紂奴殷亡武王釋囚訪道不敢以臣禮待固無求死
之事而要不渝其罔爲臣僕之志內難而能正其志箕子
以之易象與論語同能正其志是卽無私之仁人矣先生
兵敗見執本決意一死及文皇親釋縛禮遇求死不得命
旗下從學先生不辭教以道義文皇與武王訪範之意何

異先生與陳疇之意亦何異然僧寺十年而坐必東北向
朔望必西南拜衣不更舊食必西來粟祭書明年月見文
皇稱督領不拜不但不爲臣僕亦不敢若箕子受朝鮮之
封死之心固未忘也其不遽死者以明未亡耳而始終一
心不二無一毫私意不可對天對人此則可與箕子質之
數千年之後者自號明夷子作不二歌不較然甚明哉卒
之兩朝信而且服當時人人信而且服後之聞其事者莫
不感且奮也死之先後復何論焉予不欲襲諸家之說第
就先生之意論先生未知有當否也戊申六月同里後學

賈震撰

關中叢書目錄

第八集

不二歌集二卷

明張春

關中勝蹟圖志三十卷

清畢沅

春冰室野乘三卷

清李岳瑞

不二歌集卷一

明夷子不二歌

公居東自號明夷子
取遇難艱貞之意

一真樞變化乾坤立主張幻形疇不沒問誰無盡藏靜極
還復動一陰而一陽源同流乃異邪曲與忠良如此日在
天光明照萬方心在人之內丹誠那可忘天地惟得一清
寧終久長王侯惟得一首出孚萬邦卓彼待字女從一無
褻裳之死矢靡他苦節傲冰霜風疾草自勁歲寒松愈蒼
委質許致身臨敵無迴腸電火焚大槐有忙有忙不忙求死
不得死身命輕粃糠生匪是偷生苦衷質上蒼始終籌畫
者深媿郭汾陽萬或得一當不媿文天祥君父之所在焚

叩西南方富貴不可淫威武甘鋸湯既名丈夫子詎肯淪
三綱千秋有定案遺臭與傳芳剛巡爲激烈幽武緣不降
援古以證今讀茲書一場忠孝字不識萬卷總荒唐俯仰
能不媿至大而至剛誰謂馬無角安得羝生羊我作不二
歌小常有五常

庭訓邇言

要孝順

孝順父母是人生一件大事不順乎親不可以爲子卽不
可以爲人故百行以孝爲先父母生育之恩如同天高地
厚一般試看父母生箇兒子十月懷胎三年乳哺不知受

了多少艱難卽痧麻痘疹風寒饑飽百般調養又不知用
盡了多少精神纔得長大成入常言道養兒防老積穀防
饑父母受了千辛萬苦指望兒子孝順以爲後靠凡人在
世就是平常外人有一恩一德於我尙且想報答他若父
母莫大恩勤爲子的五夜思量怎麼報答得盡偏有一種
不孝不順的人自己成人之後有妻子只圖妻子受用不
顧父母供養甚且結親交友反費許多周旋把父母丟在
一邊不知不孝的人那怕千伶萬巧天亦未必佑他常言
道孝順常招孝順子忤逆偏生忤逆兒可見近報則在自
己遠報則在兒孫斷斷不爽之理至若喪葬一事更是爲